

2 Bahtuhycinwug egewh oo-oo anahjig ninje-
chaugwun: kahween ooweedookahgooseen enewh
oo-Kesha-Muhnedoomun.

3 Keen suh O Jehovah nepahpahquaun kedow :
nepezhegahgoozewin kuhya owh wambequaneid
kedow.

4 Ningenuhmaundoomah owh Jehovah: ooke-
chetwah-wahjewing ningeoonjenoondaug dush.

5 Ningekuhweshim, kuhya dush ningenebah :
ningekooshkoos, ningeguhnuhawemik mah owh
Jehovah.

6 Kah suh ningahsagezese, ahnoo goo metahehing
metauswauk duhehewaud egewh ahnisenahbag
kewetuhycēe anahbahweyaun pahmegahzhejig.

7 Pahsegween O Jehovah, bemahjeēshin O ne
Kesha-Muhnedoom, kegepuhsedoonawaug mah kuh-
kenuh shaunganamejig, kegepookoobetaāug egewh
maje-ezhewabezejig.

8 Mesuh owh Jehovah bamahjeēwad: kegahshah-
wandahgoozeāug egewh kedahnisenahbamug.

PSALM IV.

BEZINDUHWESIIN uhpe kanooninnaunin O
Kesha Muhnedoo: keen wanjemenooobemah-
dezeyaun: kegemenoodaüw kahketemahgezeyaun-
bann; shahwanemeshin kahya bezinduhweshin uhpe
anuhmeütöonaunin.

2 Kenuhwah wanejahsenemenagoog egewh en-
enewug ahneen menik kapahpenuhduhmag nepe-
zhegahgoozewin? ahneen menik kaminwan-
duhmag ewh kuhkebahdezewin kuhya kamekinduh-
mag ewh kuhkenuhwishkewin?

3 Kekanduhmook owh Kesha. Muhnedoo kewa-
wanahbuhmaud enewh manoo-ezhewabezenejin
chedebanemaud enewh: ningahbezindaug owh
Jehovah uhpe anuhmeütahwugin.

4 Sagezeyook, gagoo dush mujje-ezhechegaka-
goon: nahnahgahdahwanduhmoog kedaēwaung
emuh kenebahgunewaung, kuhya pezaun-ahyahyook.

5 Meegewag menoo-ezhewabezewine sahsahge-
wejegunuu kuhya ahpanemik owh Jehovah.